



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno CCCCLII. ad annum CCCCLXXX.

Parisiis, 1644

Concilium Africanum VIII. Carthagine Sub Innocentio Habitum anno Christi
410.

urn:nbn:de:hbz:466:1-14918

CONCILIVM AFRICANVM VII.
SVB INNOCENTIO

Anno Christi 409. habitum.

EXTAT infra in Concilio Africano: Incipit sic: *Gloriossimis.*
Quid in eo gestum sit, aliter quam ibi, non constat.

CONCILIVM AFRICANVM VIII.
CARTHAGINE

SVB INNOCENTIO

Habitu anno Christi 410.

EXTAT Græce & Latine infra in Concilio Africano: Incipit sic: *ANNO*
Post consulatum gloriossimorum imperatorum, &c. *CHRISTI*
410.

NOTÆ.

Causam
Concili
præbuerunt
tyrannis
Attali &
rescriptum
Honorii.

^a *Concilium*] Cum Attalus tyrannus inuasisset imperium, & iam Africam esset tentaturus, accidit anno Christi 410. Innocentii pontificis nono, ut Heracliani in Africa comitis, vel Macrobiani in ea proconsulis consilio, leges aduersus Donatistas datæ silerent: etenim vniuersa Africana provincia in discrimine posita videbatur; si tot legibus exagitati & exasperati Donatistæ pro partibus Attali dimicarent. Quamobrem elicitum fuit ab Honorio imperatore rescriptum, quo iidem sinerentur eam quam vellent religionem amplecti: sicque res transacta fuit. Cum autem Attalo exauctorato, periculum illud cessasset, episcopi Africani, quod viderent Honorii rescriptum in magnum Christianæ religionis dispendium vergere, collecto Carthagine episcoporum conuentu, vna omnium sententia decreuerunt, mittendam esse ad imperatorem Honorium legationem, quam quatuor episcopi ad hoc munus electi ornarent, rogarentque imperatorem, ut edictum pro Donatistis latum reuocaret. Et hoc est quod in huius Synodi præfatione sic habetur: *Lex data est ut libero cultu quis Christianitatem acciperet.* Hæc ex præscripto Honorii imperatoris, quod extat lib. 51. de hæ. cod. Theod. manifeste colliguntur. Verba enim rescripti sic se habent: *Oraculo penitus remoto, quo ad ritus suos heretici superstitiones obrepserant: sciant omnes sanctæ legis inimici, plectendos se pœna proscriptionis & sanguinis, si ultra conuenire per publicum execranda sceleris sui temeritate tentauerint. Datum 8. Kalendas Septembris Varane V. C. consule.* Vnde patet, hac lege irritari præcedens edictum, quo hæreses legibus ante

Acta Con-
cili.

INNOCENTIVS P. I AFRICANVM VIII. HONORIVS THEODOSIVS IMP. IOI

ANNO
CHRISTI
410.

compressæ, ad ritus suos palam redierant. Datum est hoc rescriptum postridie eius diei quo vrbs capta fuit: adeoque merito imperatoris Honorii obtentum credo, quod Alaricus rex Gothorum, vr-
bem nono Kalendas Septembris captam, post triduum quasi fugatus reliquerit, in sui interitum concitus festinarit, atque imminentem vrbi extremam cladem, Deus propitiatus auerterit. Baron. ann. 410. num. 47. 48. & 49.

Vrbem Romanam occupat Alaricus Gothorum rex.

SYNODVS PTOLOMENSIS IN LIBYA,
AVCTORE SYNESIO PTOLEMAIDIS
episcopo congregata, sub Innocentio papa I.

NOTA.

ANNO
CHRISTI
411.

^a *Synodus.*] Anno salutis 411. Innocentii decimo, Honorio & Theodosio imperatoribus celebrata est Synodus Ptolemaide in Pentapoli Ægypti. Causa habiti ibidem Concilii hæc intercessit: Andronicus prouinciæ præfectus multa crudelia in subditos, atque irreligiosa & impia aduersus ecclesiam perpetrarat, quibus in Synodo propositis atque probatis, communi omnium sententia diræ excommunicationis pœna mulctatur. Baron. ann. 411. num. 53.

Locus, tempus & causa Concilii.

GESTA COLLATIONIS
CARTHAGINI HABITÆ

Honorii Cæsaris iussu inter catholicos & Donatistas
coram Marcellino V. C. tribuno & notario
post consulatum * Varanis V. C.

* Varo-
dis

Papirii Massonis studio atque opera primum in lucem edita,

A P. PITHOEO V. C. cum manuscriptis collata & emendata.

Collationis codex manuscriptus in veteribus membranis sic inscriptus est:

Liber oblatus ad altare sancti Stephani, voto Tulcherii canonici.
Deinde, Acta collationis seu gesta continet.

PRÆFATIO OPERIS P. MASSONO

AVCTORE.

ACTA collationis Carthaginensis, Innocentio primo pontifice Romano, Honorii clementissimi Cæsaris iussu habita sunt, anno

N iij